

SAPP Nafi Bentuk Pakatan Dengan STAR
Bernama
January 10, 2012

KUALA LUMPUR, 10 Jan (Bernama) -- Parti Maju Sabah (SAPP) menafikan parti itu membentuk pakatan dengan Parti Reformasi Negeri (STAR) yang baru dibentuk di Sabah bagi menghadapi pilihan raya umum ke-13.

Timbalan Presiden SAPP Amde Sidik berkata parti tidak mengadakan sebarang bentuk pakatan dengan STAR dan tiada perjanjian atau rundingan diadakan mengenai hal itu.

"Laporan-laporan dalam tempoh dua hari lepas menyatakan saya telah mengetuai bagi pihak SAPP untuk menyusun dan berunding dengan STAR adalah tidak betul," katanya dalam satu kenyataan.

Amde menjelaskan kehadirannya pada pelancaran STAR Sabah minggu lepas "adalah satu tanda sokongan kepada pemimpinnya Jeffrey Kitingan" dan ia tidak seharusnya ditafsir sebagai satu pakatan rasmi dengan parti.

Dalam kenyataan itu, Amde berkata SAPP menyokong penuh Ketua Pembangkang Datuk Seri Anwar Ibrahim sebagai calon perdana menteri jika pakatan pembangkang Parti Keadilan Nasional (PKR)-DAP-PAS menang pada pilihan raya umum akan datang.

---BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=639186>